

SA TROTTA

Sa trotta sa reina 'e sos rios  
 A ti l'ammentas su tempur de tanno  
 In'uve abittaias canno jeo  
 Ippo pizinnu pastoreddu e joccas?  
 E canno isco-ettanne mi ughias  
 Dae manos in s'aba gristallina  
 Mi torraias'a faches su derre?

Cussor fin giocor meos fora 'e domo  
 D'imparare a piscare  
 In su riu 'e sa tanca prena e vrores  
 Chie b'aiat prus cuntentu 'e me?  
 A ti l'ammentas?

Su manzanu a su craru 'e su sole  
 Puntuale venia a t'acatare  
 Intro sa currentina ti vidia  
 A cua cua, achennemi su zinnu  
 Mi achiar de bona cumpagnia  
 E is su mentres colaio s'ora?

Sos pizinnor de vidda a bisomeu  
 Chin sos tempor modernos, sos chi sono  
 Non si gioccana prus'a lunamonta  
 A su caddicolongu  
 Ne a drungu drungone che a prima  
 Giustu chi siet gai, da chi como  
 Non chircan prus sa luna intro su puttu.

Menzus la chircan'in su locu suo  
 Uve s'essere umanu a postu pese  
 De s'universu sa prima conquistista  
 E forzis, una die chi non peggias  
 Sos pizinnor de cras chin su progressu  
 Nara su chi ti paret,  
 A carch'isteddu li pissan'assupra.

Peccattu chi sos rios de sa tanca  
 Sono prenor de pische mori mori,  
 E bidimus sa trotta in cartolina  
 Ma sos pizinnos'in pache e amore  
 Che puzoner volanne inartos chelos  
 Jocann'impere, su munnu s'afrazzana.

F I N E

"PISCATORE"

PUBLIO DUI

NUORO